

唯識二十頌

- 第一頌：若識無實境，即處時決定，相續不決定，作用不應成。
- 第二頌：處時定如夢，身不定如鬼，同見膿河等，如夢損有成。
- 第三頌：一切如地獄，同見獄卒等，能為逼害事，故四義皆成。
- 第四頌：如天上傍生，地獄中不爾，所執旁生鬼，不受彼苦故。
- 第五頌：若許由業力，有異大種生，起如是轉變，於識何不許。
- 第六頌：業薰習餘處，執餘處有果，所薰識有果，不許有何因。
- 第七頌：依彼所化生，世尊密意趣，說有色處等，如化生有情。
- 第八頌：識從自種生，似境相而轉，為成內外處，佛說彼為十。
- 第九頌：依此教能入，數取趣無我，所執法無我，復依餘教入。
- 第十頌：以彼境非一，亦非多極微，又非和合等，極微不成立。
- 第十一頌：極微與六合，一應分成六，若與六同處，聚應如極微。
- 第十二頌：極微既無合，聚有合者誰，或相合不成，不由無方分。
- 第十三頌：極微有方分，理不應成一，無應影障無，聚不異無二。
- 第十四頌：一應無次行，俱時至未至，及多有間事，並難見細物。
- 第十五頌：現覺如夢等，已起現覺時，見及境已無，甯許有現量。
- 第十六頌：如說似境識，從此生憶念，未覺不能知，夢所見非有。
- 第十七頌：輾轉增上力，二識成決定，心由睡眠壞，夢覺果不同。
- 第十八頌：由他識轉變，有殺害事業，如鬼等意力，令他失念等。
- 第十九頌：彈詫迦等空，云何由仙忿，意罰為大罪，此復云何成。
- 第二十頌：他心智云何，知境不如實，如知自心智，不知如佛境。
- 結 頌：我已隨自能，略成唯識義，此中一功種，難思佛所行。